

Ա Ր Ձ Ա Ն Ա Գ Ր Ո Ւ Թ Յ Ո Ւ Ն N 23.6/[44063]-10

ՀՀ ՎԱՐՉԱՊԵՏ ՏԻԳՐԱՆ ՍԱՐԳՍՅԱՆԻ ՄՈՏ 2010 ԹՎԱԿԱՆԻ ՕԳՈՍՏՈՍԻ 2-ԻՆ ԺԱՄԸ
17:30-ԻՆ ԿԱՅԱՑԱԾ` ՀՅՈՒՄԻՍ-ՀԱՐԱՎ ՃԱՆԱՊԱՐՀԱՅԻՆ ՄԻՋԱՆՑՔԻ
ՆԵՐԴՐՈՒՄԱՅԻՆ ԾՐԱԳՐԻ ԿԱՌԱՎԱՐՄԱՆ ԽՈՐՀՐԴԻ ՆԻՍՏԻ

քաղ. Երևան
Մասնակցում էին`

Խորհրդի անդամներ`

Ա. Գևորգյան	ՀՀ փոխվարչապետ, ՀՀ տարածքային կառավարման նախարար
Ն. Երիցյան	ՀՀ էկոնոմիկայի նախարար
Մ. Վարդանյան	ՀՀ տրանսպորտի և կապի նախարար
Գ. Դանիելյան	ՀՀ արդարադատության նախարար
Ե. Զախարյան	ՀՀ կառավարությանն առընթեր անշարժ գույքի կադաստրի պետական կոմիտեի նախագահ

Հրավիրվածներ`

Վ. Խուրշուդյան	ՀՀ ԱԺ-ի պատգամավոր
Հ. Նաղդալյան	ՀՀ ԱԺ-ի պատգամավոր
Ա. Աղաջանյան	ՀՀ ԱԺ-ի պատգամավոր
Ա. Մարտիրոսյան	ՀՀ ԱԺ-ի պատգամավոր
Դ. Սարգսյան	ՀՀ կառավարության աշխատակազմի ղեկավար
Վ. Արամյան	ՀՀ ֆինանսների նախարարի տեղակալ
Հ. Մկրտչյան	ՀՀ վարչապետի օգնական
Լ. Հունանյան	ՀՀ կառավարության աշխատակազմի ֆինանսատնտեսագիտական վարչության պետի տեղակալ
Ռ. Վարդանյան	ՀՀ կառավարության աշխատակազմի ֆինանսատնտեսագիտական վարչության գլխավոր մասնագետ

Ռ. Եզանյան	ՀՀ կառավարության աշխատակազմի տեղեկատվության և հասարակայնության հետ կապերի վարչության գլխավոր մասնագետ
Ֆ. Փիրումյան	«Հյուսիս-հարավ ճանապարհային միջանցքի ներդրումային ծրագրի իրականացման կազմակերպությունն ՊՈԱԿ-ի գործադիր տնօրեն
Է. Ավետյան	ՀՀ ֆինանսների նախարարության «Արտասահմանյան ֆինանսական կառավարման կենտրոնն պետական հիմնարկի տնօրեն

1. Հյուսիս-հարավ ճանապարհային միջանցքի ներդրումային ծրագրի Աշտարակ-Գյումրի ճանապարհահատվածի «Շրջակա միջավայրի վրա ազդեցության գնահատումն փաստաթուղթը Սսիական զարգացման բանկի և ՀՀ Տրանսպորտի և կապի նախարարության ինտերնետային կայքերում հրապարակելու մասին

(Ֆ. Փիրումյան, Տ. Սարգսյան)

Քննարկումներից հետո որոշվեց՝

1) հանձնարարել «Հյուսիս-հարավ ճանապարհային միջանցքի ներդրումային ծրագրի իրականացման կազմակերպությունն ՊՈԱԿ-ի գործադիր տնօրեն Ֆ. Փիրումյանին՝ իր իսկ առաջարկությանը համապատասխան վերանայել և ըստ այդմ խմբագրել Հյուսիս-հարավ ճանապարհային միջանցքի ներդրումային ծրագրի Աշտարակ-Գյումրի ճանապարհահատվածի «Շրջակա միջավայրի վրա ազդեցության գնահատումն փաստաթուղթը.

2) հավանություն տալ Հյուսիս-հարավ ճանապարհային միջանցքի ներդրումային ծրագրի Աշտարակ-Գյումրի ճանապարհահատվածի «Շրջակա միջավայրի վրա ազդեցության գնահատումն փաստաթղթի խմբագրված տարբերակին.

3) հանձնարարել «Հյուսիս-հարավ ճանապարհային միջանցքի ներդրումային ծրագրի իրականացման կազմակերպությունն ՊՈԱԿ-ի գործադիր տնօրեն Ֆ. Փիրումյանին՝ 120 օրվա ընթացքում համապատասխան առաջարկություններ ու դիտողություններ ստանալու ակնկալիքով Հյուսիս-հարավ ճանապարհային միջանցքի ներդրումային ծրագրի Աշտարակ-Գյումրի ճանապարհահատվածի «Շրջակա միջավայրի վրա ազդեցության գնահատումն փաստաթղթի խմբագրված տարբերակը տեղադրել Սսիական զարգացման բանկի և ՀՀ տրանսպորտի և կապի նախարարության ինտերնետային կայք-էջերում:

2. Հյուսիս-հարավ ճանապարհային միջանցքի ներդրումային ծրագրի Աշտարակ-Թալին ճանապարհահատվածի օտարվող հողի և գույքի ճշգրտման և գնահատման խորհրդատուի ընտրության մրցույթի արդյունքների հաստատում

(Ֆ. Փիրումյան, Տ. Սարգսյան)

Քննարկումներից հետո որոշվեց հանձնարարել «Հյուսիս-հարավ ճանապարհային միջանցքի ներդրումային ծրագրի իրականացման կազմակերպությունե ՊՈԱԿ-ի գործադիր տնօրեն Ֆ. Փիրումյանին`

1) 3-օրյա ժամկետում Ասիական զարգացման բանկի հետ շարունակել և ավարտին հասցնել բանակցությունների գործընթացը.

2) բանակցային գործընթացի դրական արդյունքների պարագայում գրավոր հարցման եղանակով օտարվող հողի և գույքի ճշգրտման և գնահատման խորհրդատվական ընկերության ընտրության «կարճ ցուցակե-ը ներկայացնել կառավարման խորհրդի անդամների հաստատմանը, իսկ հակառակ պարագայում` չեղյալ համարել մրցույթի արդյունքները:

3. «Հյուսիս-հարավ ճանապարհային միջանցքի ներդրումային ծրագրի իրականացման կազմակերպությունե ՊՈԱԿ-ի 2010 թվականի պահպանման ծախսերի նախահաշվի հաստատում

(Ֆ. Փիրումյան, Տ. Սարգսյան)

Քննարկումներից հետո որոշվեց հաստատել «Հյուսիս-հարավ ճանապարհային միջանցքի ներդրումային ծրագրի իրականացման կազմակերպությունե ՊՈԱԿ-ի 2010 թվականի պահպանման ծախսերի նախահաշիվը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ (ԽՈՐՀՐԴԻ ՆԱԽԱԳԱՆ)



ՏԻԳՐԱՆ ՍԱՐԳՍՅԱՆ